

近代中國史料叢刊第三十五輯
沈雲龍主編

陸文節公（建瀛）奏議

盧靖編

文海出版社印行

陸

文

節

公

奏

議

河陽盧氏
慎始基齋
棊於都門

Wt200/01

吾邑盧木齋丈改革以還養晦析津悼世俗之衰頹緬鄉賢
之懿美慨然以表章文獻啟道方來爲己任其介弟慎之悉
心贊助勤蒐博討次第成書無慮百數十種前刊湖北先正
遺書風行海內見者詫若瑰琰天球近復得陸公奏議釐定
五卷付梓瑞驂忝參勘校既竣役慎之先生命爲一言綴其
端因不獲固辭而妄有述焉竊維湖北自古爲大邦長江蜿
蜒西來首尾橫貫千餘里漢水歷鄖襄東至夏口匯流亦走
千里南控洞庭綿互荆巴諸山川原峽潏吐納萬象當必有
瑰璋特達之士翊世運而匡國家者生於其間遠者勿論如
明之張江陵爲相綜核名實中夏奠安熊襄愍經略遼瀋強
敵寢兵周吏部委蛇內廷天啟初政稱善楊副憲手疏聞瑞
之罪繫獄圖扉賀文忠痛宗社之亡沈湖而死非所謂瑰璋

特達之上邇世運而匡國家者與而江陵之才則尤爲不可及已陸公英偉具幹略嘗思效法江陵其鎮兩江也宏開賓館延致魁儒碩彥容接訪問排比鉛槧揆摛文雅治鹽治漕治河澗舊弊建新規費省而用裕事舉而民紓謀慮既定剴切上陳或始請而不獲疏至於再至於三四所持益堅或意以爲不便雖天子詔之部臣諷之必反覆申辨剖析毫芒冀其覺悟不以小有阻撓而遽變初衷不顧人之陰伺而遲疑首鼠卒之天子徐迴視聽下令施行寵眷優渥倚爲股肱心膂之寄此與江陵之勇果救時敢排眾議何異也及軍事之興挺孤身并蔽危疆展轉矢石不克殲敵慷慨成仁朝廷獎於讒說罪加處分追奪官階籍沒家產賴賢者爲之昭雪遂子褒錄而謗猶未止則又與江陵之生後爭相搏擊蒙禍甚

烈俱令人痛恨太息也雖然江陵輔弼廟堂委各邊守禦於
將帥耳離金鼓之音令終私邸公值長髮鴟張親率師杖戈
奮決困蹙圍城殘支體以殞其晚節遭際之厄則非江陵所
可同日語者才與志一也而道有行有不行業有就有不就
得不謂之命也耶瑞驍嘗橐筆金陵登鍾阜石城遐想昔時
湖山晏樂之盛經洪楊之凶狡虔劉百物蕩爲灰燼因憶公
蹈死赴義之慘輒唏噓嘆慕不置欲問其軼事而耆老盡矣
迨走奉天聞丹徒陳善餘師就聘江南志局纂輯故典度公
宦績宜在收采之列迺馳書乞爲裁誣存實藉良史而論定
並以監利王柏心所撰公墓誌銘進而武昌變起塵世滄桑
金陵屢被烽火未遑撰述師已歸隱上皇書之成否竟不可
知矣今觀茲編不啻如逃空虛者之聞人足音飢渴者之忽

遇飲食欣喜之情能勿動於中乎蓋兩先生匪獨傳其文且以著其才與志而推揚大節別白是非以塞淫詞垂直道磨頑厲鈍吐忠藎之氣則尤兢兢難已之忱也陸公之靈爽可以稍慰兩先生之風流亦將沾逮於無窮韓昌黎云發潛德之幽光其於斯見之夫歲在丙寅夏五月十八日丁亥歐陽

瑞驤謹序

陸文節公奏議序

士君子生多亂之秋肩天下之鉅任不幸志與時忤願躐以死猶蒙詔不已者抑何遭際之可悲也道光未葉海內晏息大臣泄沓不爲綱繆未雨之謀文恬武嬉養奸滋慝緣營勇弁驕憍畏蕙朝無宿將士不知兵洪楊崛起嘯聚五嶺如鸞鳥猛獸標悍迭發不可制吾鄉陸公立夫時總督兩江在豐河工次聞洪楊將出洞庭窺武漢順流而下慮糜爛東南請躬率一旅禦之贛鄂間厥志壯矣及師潰武穴九江不守安慶繼陷公猶收殘卒防梁山柰同僚齟齬勢孤無援支持危城力竭身殲媚嫉鄙夫妄肆詆譏豈始事時所及料哉使公不越境討賊稍俟時會之推移中興彪炳之業未必讓曾胡左李諸賢惟其勇於自任踔厲直前欲以忠義爲一世倡

拱波犯巨浪率疲茶之卒過方張之寇而險談之人又何隙
左右此所以崩快覆壞捐軀委命抱恨於無窮歟嗚呼先軫
喪元孟明挫師成敗利鈍兵家之常非盡由人謀之不臧君
子於此畧迹原心庶亮節孤忠不含冤於地下此則知人論
世者所宜知也公少負合譽早躋清班才氣開敏有經世宰
物之量由侍讀觀察天津英人構釁籌辦海防洞協機竅聲
名震褭內外旋擢雲南巡撫未逾年移節江蘇開府金陵當
時漕鹽河三者爲江南大政利之所在弊亦叢焉公蒞事以
來銳意整飭於漕則改從海運平均糧戶之輸納減省旗丁
之幫費於鹽則踵陶文毅成規推行票鹽於淮南河務則核
實工程嚴杜浮溢力返不肖員司冀倖侵蝕之爲凡國裕民
便不憚徹慮焦思綜理疏剔宏纖畢盡厥效昭著設遣值承

平雍容華貴坐躋臺閣直指顧聞耳乃強寇未滅而大星忽
隕伸之於前抑之於後深可慨也靖曩念公政績炳蔚雖末
路蹉跎不應無一言以垂後每從朋好訪公遺文鈔得公奏
議若干篇重加理董都爲五卷鈔木以行公之治鹽拾漕治
河三大政差具於是他端並可考覽而囂囂謗口亦將同於
蚍蜉之撼矣是則所以慰既往而詔方來也丙寅六月盧靖
謹序

陸文節公奏議目錄

卷一 道光二十六年

查明銅廠情形及現辦緣由摺

賀長齡等飭令卸事廠員趕緊結報片

請留滇省減平銀兩解京糜費抵撥俸餉摺

查明滇省銀價及用銀錢情形請悉照舊章摺

查辦大小猛統地方游匪滋事及籌撥經費摺

辦理清查銅務虧欠及採買接運片

卷二 道光二十七年

酌議推廣捐輸米石章程摺

壁昌等捐米兼收稗種並擬暫存津倉待運片

壁昌等招商運米請照順天府捐輸成案辦理片

驗收徒陽運河工程並催提重運漕船渡江摺

飭查旂丁幫費及大小戶包戶情弊片

壁昌等陳明緩挑善微河及飭估包家河緣由片

籌議辨認在洋船隻情形摺

奏覆密勘泖湖等處設防情形摺

確查江浙奏報緩征情形摺

會議籌防泖湖等處情形摺

籌議江蘇漕務河海並運摺

籌議海沐等境六塘河隄經久事宜摺

蘇松泰三屬漕米全由海運酌定辦理章程摺

查明蘇松泰三屬海運米數及續議章程摺

李星沅等節省旂丁銀米補足運額片

李星沅等密陳天津吏胥通倉經紀阻礙運米情形片
李星沅等辦理赴豫捐米俟春起運片

卷三 道光二十八年

續籌海運未盡事宜摺

李星沅等請海運各沙船援照成案免稅片

奏報海關夷稅關期屆滿摺

奏報海運漕糧全數兌竣一律放洋摺

李星沅等陳明收買餘米交兌情形片

酌籌整飭外海水師章程摺

奏請章練塘移駐文武官兵摺

臚陳江蘇洋面情形摺

卷四 道光二十九年

奏明辦理漕折情形摺

嘉定等處折征辦法擬請他屬仿行片

遵照舊約辦理英夷善後事宜摺

陳明兩淮離務情形摺

陳明保護淮揚二府各地隄埝片

奏陳河工大略情形摺

覈明江蘇省倉庫虧墊各數籌議追補章程摺

奏明查辦浙江洋面盜首及擊擒盜船情形摺

酌籌上海通商經費並增設要卡摺

陳明淮南離務積弊情形片

籌辦回空情形摺

酌擬減黃地方並清江添塘及辦理下河堤埝摺

督辦黃河下游草填片

卷五 道光三十年 咸豐元年

改辦淮南鹽務摺

查覆江蘇保甲社倉情形摺

請展緩進堵豐北壩二摺

附改行淮南鹽務論

新編章程

附錄

陸建瀛列傳 國史館彙

陸建瀛傳

書河陽陸帥失陷江寧事

皇清誥授光祿大夫欽差大臣兵部尚書兼都察院右

王闓運

薛福成

都御史兩江總督陸公神道碑

王柏心

皇清誥授光祿大夫欽差大臣兵部尙書都察院右都

御史兩江總督陸公墓誌銘

彭松毓

先光祿大夫殉難節略

寄湖北喪忠局

陸光祖

兩江總督陸公小傳

周壽昌

陸文節公奏議

卷一

查明銅廠情形及現辦緣由摺

奏爲查明銅廠情形及現辦緣由恭摺奏祈聖鑒事竊臣於本年二月中旬請訓時疊蒙恩諭滇省銅務最爲吃緊京運遲滯尤於鼓鑄有關飭令實心辦理勿稍鬆懈臣跪聆之下仰見聖主權衡銅政慎重圖法之至意抵任後卽與藩司悉心講求並函詢督臣賀長齡現在廠情以及利弊之所在卽接見各僚屬亦博訪周諮合以歷年舊案參互比觀滇南本係產銅之區其始歲供京外所需定額不過四五百萬斤逐漸增加至於一千餘萬斤內京運卽需六百餘萬斤議者謂攻採太甚未免洞老山空不思天不愛道地不愛寶誠如聖

論天生五材民並用之豈有告匱之理惟大小廠三十六處類皆山勢高厚綿亘數百里開採既久高路遠而且深廠下背運礦砂往返不能迅速是以數日所得尙不及從前一日之獲又此礦採取既盡不能不另開新槽分投覓辦寶氣所聚水亦注之每開一槽必先設法洩水然後可以得礦前此礦高而水小近則礦低而水深掣洩需時採辦亦遂不易又礦砂雖生生不已而賦質尙未凝厚成色卽屬單薄前淨礦萬斤可煎銅二千數百斤今祇煎一千數百斤遂致年額不敷且開廠之初附近老林甚多炭蕪甚便近來購炭或四五站不等馱運既遠脚費不輕而官價仍照舊例則爐戶遂增成本勢必以透漏取贏故交銅益形其短此各廠今昔不同之實在情形也滇省跬步皆山舊廠既難如額自應廣覓新

廠以資挹注然新廠本不易得卽開有他屬搜獲而廠員聞知則以其承辦額重稟請撥歸已厥其出廠之處又恐旺則歸人衰則累已往往中止甚或山主居民慮有擾累多方阻撓由是廠民裹足新廠更覺寥寥此則廠員與地方之積習也京運最關緊要運員領兌開帶船腳給費有額沿途程限有期加以經由各省並蒙欽派藩臬大員專司催趲以杜稽延然猶不免遲誤者良以所委如係廉幹之員雖有守風守凍讓漕等情仍可依限到通若委員經理不善其所領津貼費用到手輒空迨開船以後或船戶逃走重複雇募或沈溺打撈停泊修舵於是額費不敷節節經營告貸因而支吾掩飾所在耽延此又運員之積習也現查漕店存銅僅數乙巳正運第四起加運一二起之數以後丙午六運接踵赴漕存

銅既罄起運即遲臣不勝焦灼惟有嚴札藩司暨迤東迤西
各道飛飭各廠員趕緊趨辦源源發運並飭各路店員隨收
隨運不准片刻積壓違者即行參辦一面檄令各廠員並地
方官無論本境隔境廣覓新廠通力合作如敢仍蹈前轍立
予參懲嗣後領運人員責成藩司遴委妥員認真辦理倘有
挪移延誤等弊亦即密查嚴參以肅銅政臣才識庸愚當此
銅務極疲之際不敢稍事操切亦不敢稍涉因循惟當殫竭
拙誠力圖整頓以期無誤鼓舞仰慰宸厪所有查明銅廠情
形及現辦緣由理合恭摺具奏伏乞皇上聖鑒訓示謹奏道
光二十六年七月十三日

賀長齡等飭令卸事廠員趕緊結報片

再前此冊開各廠店歷年存銅一千餘萬斤是否不致缺少

應歸清查案內核實具奏惟歷辦厥務已經御事之員尙有交代未據結報者多起臣檢閱各卷現飭藩司確查詳覆如有虧欠自當會同督臣據實奏明參返若僅款目轉轉亦卽趁此設局清查之際飭令趕緊督算結報以免懸宕理合附片陳明伏乞皇上聖鑒訓示謹奏道光二十六年七月十三日奉硃批依議妥辦欽此

請留撫省減平銀兩解京廉費抵撥俸餉摺

奏爲廣省減平銀兩遠道解京沿途廉費滋多請旨飭部議令留抵協撥俸餉以歸簡易而資節省恭摺具奏仰祈聖鑒事竊據布政司趙光祖等會詳稱道光二十三年奉部奏准各省俸工役銀暨雜支等項均按二兩平支發行令收所減平銀按季冊報委員解部等因慎省當卽遵照辦理并將月

奉文起至道光二十四年年底止所收減平銀兩分起解部
交納其二十五年銀兩存候遇有便員再行搭解惟滇省距
京最遠自非他省可比每年所減平銀約計二萬數千兩遠
道解京所需運脚等項均無開銷而沿途經由地方供應夫
馬亦未免滋累伏查滇省額設各營官兵俸餉馬乾等銀每
年共需七十餘萬兩屢係奉部在于他省派撥銀二三十萬
至四五十萬兩不等解滇協濟今擬請于每年題撥滇餉時
查照報部季冊聲明扣存減平銀若干由部將此項銀兩留
抵滇省餉銀仍將留抵之數卽令派撥省分就近解部如此
一轉移間於部議彌補庫項毫無出入而滇省既免遠道撥
解之煩卽在派撥省分以所撥之銀解部亦較解滇爲易彼
此均有裨益據藩臬兩司暨糧儲鹽法各道會詳請奏前來

相應請旨飭部核議如蒙俞允俟奉部覆到日
二十五年爲始將是年扣收未解平銀留抵二
嗣後逐年周轉以歸簡易而資節省是否有當
總督臣賀長齡合詞恭摺具奏伏乞皇上聖鑒
十六年七月十三日奉硃批戶部議奏欽此

查明滇省銀價及用銀錢情形請悉照舊
奏爲遵旨查明滇省銀價與部定畫一之數不
有銀錢并放折價尤減之款擬請悉照舊章恭
事竊查前准部咨奉上諭穆彰阿等奏遵旨會
駒條奏銀錢畫一章程一摺銀錢并重本係制
隨時酌核不使輕重相懸裕國便民兩有裨益
礙不思設法變通著該督撫等各就地方情形

心妥議具奏務使法立可以推行不致滋弊毋得任驥屬員
巧爲推脫稍存畏難苟安之見僅以一奏塞責又准咨會議
覆候補京卿今補內閣侍讀學士朱嶠條奏貴錢濟銀握利
權而理財用一摺奉旨依議各等因欽此欽遵行據司道等
籌議詳請覆奏前來臣復加詳細體察除劉良駒所請加鑄
朱嶠所請停鑄均經大學士等會核奏奉諭旨毋庸再行置
議外伏念聖主權制用之常經酌阜財之良法原欲抑平
銀價使之便於流通并非籌核科條僅在力爲撙節查滇省
自乾隆五十九年奉旨查辦小錢案內酌定每銀一兩易錢
一千六百文業已五十餘年長落不過百文迄今每兩統銀
易換制錢一千五百八九十文至一千六百三四十文不等
每錢一千均以斤兩計重不能攙和小錢核與部定千五百

文之數不甚相遠卽與該御史不得通例價百文之考亦屬相符又雲南省局東川局歲鑄錢文定例每錢一千二百文作銀一兩均儘數分成搭放文職養廉及銅廠工本運脚驛站工料祭祀廩餼歷經報部有案是留支之款而已搭放錢文而折價更減于一千五百文之數此外惟歲修運鈞灘河等項并不動支正款每年僅需銀三千餘兩無論改銀爲錢運費無出卽全數散放錢文亦不足以平銀價除此別無另項工程且滇南跬步皆山舟車不通以故市商貿易率多用銀而不用錢卽地丁關稅鹽課亦俱征銀解銀地方官而無以錢易銀之累實與他省情形不同至兵丁餉糈以錢折給如照本省搭放之價則無以體卹兵艱如照現在部定之價又未免一事兩歧況滇中幅員遼闊各營星羅碁布大率不

興州縣同處一區約計運錢之費或更十倍于所減害多利
少自未便輕議更張臣仰荷鴻慈叨竊疆寄苟可設法變通
正欲免圖報効斷不敢畏難苟安一奏塞責除飭司隨時察
看銀價斟酌妥辦外所有現就滇省地方情形悉心籌議擬
請仍照舊章毋庸更改緣由理合恭摺覆奏伏乞皇上聖鑒
訓示再雲貴總督係臣兼署無庸會銜合併陳明謹奏道光
二十六年十二月十一日奉硃批戶部知道欽此

查辦大小猛統地方遊匪滋事及籌撥經費摺

奏爲據報大小猛統地方遊匪闖入緬寧界內滋事現已委
員馳往查辦並籌撥邊費銀兩以資應用恭摺奏祈聖鑒事
竊臣於十月二十八九等日接據署迤西道黃德濂稟稱大
小猛統地方遊匪糾約一千餘人藉稱挾道光十九年客民

械關之嫌於十月十五日由緬寧之邊案獲了隨方關入新
寨強搶兇殺業經該道就近稟商署擬臣會督該處文武帶
同兵練馳往堵剿聲明緝寧地處極邊距省寫遠現在大理
府庫存餘剩經費銀一萬兩並懇再籌二萬兩委解接濟如
迅速竣事仍將原封歸還等情署提臣查德布亦咨同前由
臣查滇南邊界素稱兇悍搶殺之事視若故常或漢人冒作
回民或回民冒作漢人皆係無業遊匪專以劫掠爲生案情
大小不一節經嚴拏責辦分別題奏正法者不一而足茲該
匪等胆敢以十九年已結之案爲詞糾集千有餘人橫行搶
殺查十九年距今七八年之久無論前案早奉部覆本無偏
抑且何以積久始圖報復顯係藉詞滋擾實屬惡不畏法再
大小猛統分隸鎮康灣甸兩土司前十九年暨二十五六年

年漢回互關各案均無該處民人在內是必另有匪徒勾結
亟應大加懲創況永昌一帶現雖據報安靜無事然亦不可
不防其竄擾當卽札委開化府知府寶俊署臣標中軍參將
伊昌阿星飛馳往會同慎道妥速查辦並飛咨署提臣如須
就近親自督剿亦卽飛速前往又分札按察使迤西道以此
等烏合之眾一經攻打窮蹙勢必四竄奔逃應卽嚴飭迤西
各府廳縣出示曉諭各村寨居民遇有前項匪徒竄入卽一
面報官一面團練格殺准其詳明奏請照律勿論總期淨絕
根株無使滋蔓以仰副聖主綏靖邊陲之至意其所請經費
飭司于邊費項下動撥銀一萬兩委員解往備用如能迅速
肅事卽仍繳還庫貯所有委員查辦邊境遊匪滋事及籌撥
經費緣由是否有當理合恭摺具奏伏乞皇上聖鑒訓示謹

奏道光二十六年十二月十二日

辦理清查銅務虧欠及採買接運片

再清查銅務一案雖已據藩司造冊具詳而歷年久遠類目繁多必須條分縷晰竟委窮源方足以昭核實當經臣附片奏懇天恩請將藩司趙光祖暫緩陸見以便一手經理一面批飭再行逐細詳查務使瞭如指掌銀類銅類虧者如何籌補歷任未清交代或已離滇或尙在滇其遲延應如何處分一併明晰具覆至蘆店存銅一項原爲預備接濟京運而設一經撥運卽應如數辦補藉資周轉近年往往以採辦不及全力先儘京運未能將存銅隨時彌補殊失留備有餘之意應仍嚴飭陸續兼辦毋得顧彼失此又如前撫臣鄭祖琛具奏採買商銅一節本屬一時權宜但恐奸商等因官爲收買

從而假冒影射走私更甚必致額銅益形短絀亦不可不防
其漸業經逐條檄飭查辦應統俟清查結案時一併由後任
核實具奏其丙午京運六起更當督飭各廠員趕緊採辦總
期原額接運勿稍貽誤以仰副聖主整飭銅政之至意所有
臣飭司辦理緣由理合附片陳明謹奏光緒二十六年十二
月十八日奉硃批知道了欽此

陸文節公奏議

卷二

酌議推廣捐輸米石章程摺

奏爲酌議推廣捐輸米石章程遵旨由驛覆奏仰祈聖鑒事
竊道光二十六年十二月二十六日奉 上諭戶部奏推廣捐
輸米石章程等語京倉所貯米石果能足額無虧則支放裕
如原不待月爲籌畫無如近年起運漕糧缺額甚多若憑發
領採買誠恐緩不濟急茲據戶部設法預籌請於江蘇省仿
照官員捐米之例准令各省官民前赴江蘇捐辦米石照捐
輸銀兩議叙由該督撫奏請獎勵其運京路程或附海舡抵
津或由內河抵通如何便易之處着壁昌程喬采悉心妥議
迅速由驛覆奏原片鈔給閱看等因欽此當卽恭錄行知各

屬出示曉諭並經臣壁昌先將大概情形具奏在案臣陸建
瀛前過金陵驛與臣壁昌通盤計算近年漕糧缺額京倉不
敷支放誠如聖諭但憑發價採買緩不濟急且經費支絀之
時又增買米一款亦屬可暫而不可常自應推廣捐輸以備
積貯抵蘇後接准署撫臣移交各卷即督同藩司李德等悉
心講求酌擬條款與督臣壁昌往返函商正在核奏間欽奉
上諭前據戶部奏請推廣捐輸米石章程准令各省官民前
赴江蘇捐辦米石照捐輸銀兩議叙當有旨交壁昌等妥議
運京路程或附海缸抵津或由內河抵通茲據壁昌先行覆
奏糧缸分帶捐米每缸不過數十石爲數無幾僱用民缸又
恐所費較重自不若由海運洋較爲便捷着該督等即將海
運一節迅速妥議由驛馳奏至所稱有漕各省願捐者就近